

portay le viatique, mais sa foy luy donna des forces, elle fort de son liçt, se iette à deux genoux en terre, & d'une voix mourâte: Icy mon Seigneur, s'écria-t'elle, ie croy fermement que c'est vous qui venez pour me visiter, ie meurs dans cette Foy, & dans le repêtir d'auoir esté vn si lōg-temps sans vous connoistre, ayez pitié de moy. Plusieurs des assistans ne purent contenir leurs larmes, elle seule faisoit paroistre sur son visage la ioye que ressentoit son cœur, & les contentemens d'une ame qui ne respiroit que le Ciel. Elle tomba le lendemain dans vn affoupiement mortel, & n'eut plus ny d'yeux, ny d'oreilles, sinon lors qu'on luy parloit de prier Dieu, car alors [30] reuenant à foy, elle prenoit plaisir iusque dans l'agonie d'adorer celuy dont elle ioüyit maintenant.

Elle estoit grosse de cinq mois, & c'étoit là nostre vniue regretté que la mort d'une si saincte mere priuast son fruit du bon-heur que nous luy souhaitions. Nous fîmes vn vœu d'une Neufuaine en l'honneur de saincte Anne, afin qu'elle luy obtinst le Baptême. Il plut à Dieu exaucer nos prieres au point mesme que nous en auions perdu l'esperance. Cet enfant vint au monde, & n'eut de vie qu'environ vn demy-quart d'heure, mais toutefois assez pour le faire viure à iamais dans le Ciel. Nous le nommâmes Ignace en son baptême, la mere fuiuit bien tost ce petit Ange, & leurs corps s'accompagnerent iusqu'au tombeau.

Ce fut lors que nous nous vîmes obligez de consacrer vn cemetiere auprès de nostre Eglise, qui deuoit receuoir pour ses premices vn si heureux depost. L'enterrement fut solemnel, & si remply de deuotion,